



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

13 JANUARI 2022 (KHAMIS)



**KERATAN AKHBAR
DAN MEDIA ONLINE
(KPDNHEP)**

13 JANUARI 2022 (KHAMIS)

SUARA KONTEMPORARI
Kosmo!

HARI : **KHAMIS**
TARIKH : **13/1/2022**
M/SURAT : **16**

Senarai Harga Barang Keperluan			
Ayam	RMB.30	Telur Gred A	RM12.45
Daging Lembu Tempatan	RM40	Ikan Kembung	RM16.99
Daging Lembu Import	RM28	Miryak Masak	RM6.38
Gula Pasir	RM2.85	Bawang Besar Holland	RM1.80
Bawang Putih	RM5.50	Cili Merah	RM8.89
Kubis Bulat Tempatan	RM2.79	Tepung Gandum	RM2.20

*Harga (RM/kg) Sumber: KPDNHEP



KERATAN AKHBAR DAN MEDIA ONLINE (AGENSI KPDNHEP)

13 JANUARI 2022 (KHAMIS)

SSM serah sumbangan kepada usahawan B40

PETALING JAYA — Suruhanjaya Syarikat Malaysia (SSM) menyerahkan sumbangan berjumlah RM100,000 kepada usahawan B40 yang terkesan akibat pandemik Covid-19.

Menteri Perdagangan Dalam Negeri Dan Hal Ehwal Pengguna, Datuk Seri Alexander Nanta Linggi berkata, sumbangan itu melibatkan sebanyak 200 usahawan dengan bantuan RM500 diterima oleh setiap seorang.

Inisiatif di bawah tanggung-jawab sosial korporat (CSR) SSM itu merupakan pelengkap kepada inisiatif yang disalurkan

kepada usahawan asnaf sebelum ini melalui peruntukan wakalah zakat korporat SSM.

Tambah beliau, SSM turut menyahut seruan kerajaan di bawah konsep Keluarga Malaysia yang menyarakkan agar semua pihak berganding bahu membantu dan menyumbang ke arah kesejahteraan rakyat.

"Sumbangan ini diharapkan dapat memberi kelegaan kepada golongan B40 untuk membina semula perniagaan yang terjejas akibat pandemik," katanya.

Beliau berkata demikian dalam kenyataan bersempena

majlis pelancaran inisiatif CSR SSM itu baru-baru ini.

Alexander menjelaskan, dari 1 Januari hingga 31 Disember 2021, SSM telah mengagihkan wakalah zakat korporat sebanyak RM7,521,463 kepada golongan asnaf fakir miskin, mualaf, ghartim, penerima agihan fisabilillah terdiri daripada masjid, surau, sekolah-sekolah dan hospital seluruh negara.

Selain itu, pengagihan peruntukan CSR bagi tempoh yang sama pula, SSM telah mengagihkan sebanyak RM424,039 kepada golongan yang memerlukan.



ALEXANDER (tiga dari kanan) menyerahkan replika cek bernilai RM100,000 kepada usahawan B40 di Kuala Lumpur baru-baru ini.

Program Francais Mikro, khas peniaga B40,M40

Mampu menarik lebih 1,000 penyertaan, dengan harapan tingkatkan taraf hidup golongan berkenaan

KUALA LUMPUR



Program Pembangunan francais Mikro Dan Mampu Milik (F3M) yang dilaksanakan menerusi

siri program Jelajah francais dan Program Latihan di seluruh negara, mendapat sambutan menggalakkan daripada masyarakat setempat terutamanya dalam kalangan B40 dan M40.

Persatuan francais Malaysia (MFA) dalam satu kenyataan pada Rabu berkata, program anjuran pihaknya bersama dengan Kementerian Perdagangan Dalam Negeri dan Hal Ehwal Pengguna (KPDNHEP) itu bertujuan untuk menarik penglibatan lebih ramai golongan B40 dan M40 serta PKS menceburan bidang perniagaan francais.

Ketua Eksekutifnya, Ahmad Faizal Mohamed Noor berkata, siri jelajah dan program F3M di seluruh negara itu menyasarkan lebih 1,000 penyertaan daripada kalangan B40 dan M40 yang berminat untuk menceburan pada perniagaan francais.

"Dijangkakan sekurang-kurangnya 10 peratus daripada jumlah penyertaan tersebut akan menceburan perniagaan francais mikro dan mampu milik sekiranya lebih banyak dana dapat diperuntukkan oleh kerajaan.

"MFA optimis program ini akan melahirkan lebih ramai usahawan francais sebagaimana disasarkan selain membantu golongan B40 dan M40 meningkatkan taraf hidup me-

reka," katanya.

Ahmad Faizal berkata, memandangkan sambutan menggalakkan yang diterima sejak ia dikenalkan tahun lalu pihaknya berharap kerajaan dapat mempertimbangkan penambahan dana bagi program berkenaan untuk tahun 2022.

Menurutnya, sebanyak 11-siri program jelajah francais dirangka dilaksanakan di seluruh negara bermula 8 dan 9 Januari lalu di Perlis dan Pulau Pinang manakala destinasi terakhir akan diadakan di Sabah pada 25 Jun.

Beliau berkata, program jelajah tersebut bertujuan memberi kefahaman kepada masyarakat setempat mengenai peluang perniagaan francais yang boleh diterokai dan inisiatif kerajaan dalam membantu mereka menceburan perniagaan francais.

Selain itu, Program Latihan - Kursus Asas Perniagaan francais dibawah inisiatif program F3M yang dilaksanakan juga merupakan persediaan kepada bakal usahawan francais untuk memahami dengan lebih jelas mengenai sistem perniagaan francais.

Maklumat lanjut berhubung Program Jelajah francais Mikro Dan Mampu Milik boleh didapati di www.mfa.org.my. - Bernama